


2010ean hildako emakumeen batez besteko adina 81,8 urte izan zen, gizonena 74,6

Trafiko-istripuagatiko heriotzak %73 murriztu dira azken hamar urteetan

Heriotza kopurua Euskal AEn: 2010ean 19.357 pertsona hil ziren Euskal AEn, 2009an baino 267 gutxiago, Eustaten datuen arabera. 10.045 gizon eta 9.312 emakume hil ziren. Heriotzarik gehien, abenduan (1.952); gutxien, irailean (1.378).

2010ean 100 urtetik gora hildako 205 pertsonen artean, %82 emakumeak ziren. Ehun urtetik gora hildakoen kopuruak gora egin du azken urteetan; goia, 2009an, 254 pertsona.

1. grafikoa: ehun urtetik gorako pertsonen heriotzak, sexuaren arabera, 1996-2010



Iturria: EUSTAT. Euskal AEko heriotzen estatistika

Emakumeen bizitza 7,2 urtez luzeagoa da gizonena baino

2010ean zehar hildakoen batez besteko adina, 78,1 urte; 2000ean, aldiz, 74,7; hots, 3,4 urteko gehikuntza azken hamarkadan.

Hiltzean, gizonen batez besteko adina 74,6 urte; emakumeena 81,8, 2010ean. 2000an, 70,9 eta 79,2. Azken 10 urteetan gizonen bizitza 3,7 urtez luzatu da batez beste, eta emakumeena 2,6z.


Hazkunde begetatiboa, positiboa, +1.802. Saldo positiboak izan dira Araban eta Gipuzkoan, 916 eta 1.085 biztanle gehiago; Bizkaiari dagokionez, aldiz, jaiotakoak hildakoak baino gutxiago izan dira (-199).

Haurren heriotza-tasari dagokionez, urtebetetik beherako milako 2,6 hil ziren. Jaioberrien heriotza-tasak, bizitzako lehen 28 egunetan hiltzen direnenak, 37 heriotza zenbatu zituen; 29 jaioberrien heriotza goiztiarrek eragin zituzten, lehen astean gertatzen diren heriotzek; horietarik, 15 lehen 24 orduetan. Urtebetetik beherakoen artean, neskatoak guztirakoaren %49 izan ziren.

Heriotzen %60,4 tumoreek eta zirkulazio aparatuko gaixotasunek eraginda

Tumoreek eragin zituzten 2010ean heriotzen %31,1, hots 6.021; zirkulazio-aparatuko gaixotasunek %29,3 (5.675 hildako), eta hirugarren tokian, urrunago bada ere, arnas aparatuko gaixotasunek %8,7 (1.691). Gaixotasun garrantzitsuenen hiru talde hauen prebalentzia aldatuz joan da azken hamarkadan. Tumoreek eragindako heriotzak %12 hazi dira; kardiobaskularrek eta arnasbideetakoek eraginak %4 eta %14 murriztu dira.

2. grafikoa: heriotzak kausa eta sexuaren arabera (%); 2000n, 2010ean



Iturria: EUSTAT. Euskal AEko heriotzen estatistika

Heriotzen kausak ez ziren berdinak izan sexu batean eta bestean: gizonezkoen artean, tumoreak hilgarriago gertatu ziren zirkulazio-aparatuko gaixotasunak baino; emakumezkoen artean, berriz, heriotza-kausa nagusia gaixotasun kardiobaskularrak izan ziren, eta tumoreak bigarren.

Halaber, adinaren arabera bada alderik heriotza-kausetan. Urtebetetik beherakoan artean, heriotzarik gehien jaiotza-inguruko gaixotasunek eta malformazio kongenitoek eragin zituzten; 40 urte arte, heriotza-kausa nagusiak kanpokoak izan ziren; 40 urtetik 80 urtera, tumoreak, eta 80 urtetik aurrera, zirkulazio-aparatuko gaixotasunak.

HIESAk eragindako hildako kopurua erdira jaitsi da azken hamarkadan

Infekzio-gaixotasunen artean, HIESA urrituz joan da heriotza-eragile gisa. 2000n, 93 pertsona hil ziren; 2010ean, 45, 9 emakume eta 36 gizon.

Alzheimerrak eragindako heriotzak bikoiztu egin dira azken hamar urteetan

Heriotzak eragiten dituzten taldeen artean azken hamarkadetan gehien hazi direnak asaldu mentalak eta nerbio-sistemaren gaixotasunak ditugu. Azken hamar urteetan, dementziek eragindako heriotzak %85 hazi dira (1.101 2010ean), eta endekapenezko gaixotasunen artean Alzheimerrak eragindakoak bikoiztu egin dira (2010ean 647; 322 hamar urte lehenago).

Dementziek eta Alzheimerrak eragindako heriotzarik gehien, emakumeenak: 2010ean, %69 eta %72.

Trafiko-istripuak gutxitu direnez gero, istripuzko erorikoak eta buru-hiltzeak dira heriotzaren kanpo-kausa handienak

Horrenbeste (%73) gutxitu dira trafiko-istripuak azken 10 urteetan non ekarri baitute istripuzko erorikoak eta buru-hiltzeak izatea heriotzaren kanpo-kausarik handienak. Istripuzko erorikoek eragindako heriotzak 136 izan ziren; buru-hiltzeak 131 eta trafiko-istripuengatikoak 82.

Heriotzaren kanpo-kausen artean gizonen prebalentzia handiagoa da. Istripuzko erorikoek eta buru-hiltzeek eragindakoan artean, 75 emakume eta 192 gizon.

1. taula: Heriotzak Euskal AEn, sexuaren arabera 2010

	Gizonezkoak		Emakumezkoak	
	Kop.	%	Kop.	%
Kausa guztiak	10.045		9.312	
Gaixotasun infekzioso eta parasitarioak	159	1,6	136	1,5
Tumoreak	3.757	37,4	2.264	24,3
Guruin endrokinoetako, elikaduraren eta metabolismoaren gaixotasunak	278	2,8	387	4,2
Trastorno mentalak eta portaeraren trastornoak	338	3,4	763	8,2
Nerbio-sistemako gaixotasunak	413	4,1	717	7,7
Zirkulazio-sistemako gaixotasunak	2.758	27,5	2.917	31,3
Arnas sistemako gaixotasunak	938	9,3	753	8,1
Txegoste-sistemako gaixotasunak	491	4,9	407	4,4
Sistema genitourinarioko gaixotasunak	174	1,7	240	2,6
Zantzu, zeinu eta aurkikuntza anormalklinikoak eta laborategikoak	161	1,6	257	2,8
Kanpoko heriotza-arrazoiak	437	4,4	216	2,3
Beste batzuk	141	1,4	255	2,7

Iturria: EUSTAT. Euskal AEko heriotzen estatistika

Argibide gehiago:

[Euskal Estatistika-Erakundea / Instituto Vasco de Estadística](#)

Donostia-San Sebastián, 1. 01010 Vitoria-Gasteiz

Tel.: +34-945-01 75 00 Faxe: +34-945-01 75 01 Helbide elektronikoa: eustat@eustat.es

Harremanetarako pertsona: Martín González Hernández

Tel.: +34-945-01 75 49 Faxe: +34-945-01 75 01

[Euskal AEko HERIOTZEN ESTATISTIKARI buruzko prentsa-ohar gehiago](#)

[Euskal AEko heriotzen estatistikari buruzko datu-bankua](#)